

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Kantonalna javna ustanova „Porodično savjetovalište“**

**PROGRAM RADA
KANTONALNE JAVNE USTANOVE „PORODIČNO SAVJETOVALIŠTE“
ZA 2018. GODINU**



Sarajevo, januar 2018. godine

I UVODNI DIO

Programa rada Kantonalne javne ustanove „Porodično savjetovalište“ za 2018. godinu koncipiran je prema propisanoj metodologiji za izradu programa rada, a obuhvata poslove i zadatke koji proističu iz Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo”, broj 38/14 – prečišćeni tekst i broj 38/16), Odluke o osnivanju Kantonalne javne ustanove „Porodično savjetovalište“ („Službene novine Kantona Sarajevo“, broj 27/06, 31/07, 21/12 i 5/13), Pravila KJU „Porodično savjetovalište“, Zakona o ustanovama („Službeni list R BiH“, broj 6/92, 8/93 i 13/94), te potreba njenog funkcioniranja i kontinuiranog razvoja.

Vrsta djelatnosti kojom se bavi opredijelili su ovu Ustanovu da svoju organizacionu strukturu postavi djelovanjem kroz sljedeća četiri odjeljenja:

1. Odjeljenje za savjetodavno-terapeutski rad
2. Odjeljenje za razvojno-istraživačke poslove i socijalne inovacije
3. Odjeljenje za strateško planiranje, promociju i odnose sa javnošću
4. Odjeljenje za pravne, finansijske i opće poslove.

Osnovna djelatnost, definirana Odlukom o osnivanju Kantonalne javne ustanove „Porodično savjetovalište“ („Službene novine Kantona Sarajevo“, broj 27/06, 31/07, 21/12 i 5/13), obuhvata:

- porodično savjetovanje i tretman;
- grupno savjetovanje i tretman;
- individualno savjetovanje i tretman;
- naučno-istraživačko proučavanje pojava i problema iz oblasti socijalne zaštite;
- publikovanje rezultata tih istraživanja, kao i drugih popularnih publikacija (priručnika, brošura, informativno-propagandnih materijala).

Naziv, osnivač, sjedište, identifikacioni broj Ustanove

Naziv: Kantonalna javna ustanova „Porodično savjetovalište“

Osnivač: Kanton Sarajevo

Sjedište: Avdage Šahinagića broj 14/2, Sarajevo

Identifikacioni broj: 4200180620005

Ciljevi, zadaci i programska orijentacija za naredni period

U fokusu svoga djelovanja KJU „Porodično savjetovalište“ će i u 2018. godini imati brigu o porodici, i to kroz pružanje psihosocijalnih usluga u okviru primarne i sekundarne prevencije.

U **primarnoj prevenciji** aktivnosti su postavljene na način da iste obuhvataju populacijske skupine različitih životnih dobi, a realizirat će se kroz razna stručna predavanja, održavanjem radionica i na drugi sličan interaktivan način.

Sekundarna prevencija/**savjetodavno-terapeutski rad** podrazumijeva pružanje odgovarajućih usluga zainteresiranim građanima koji se jave i zatraže pomoć iz ovog segmenta. Usluge će se pružati u sigurnom i povjerljivom ambijentu u skladu sa profesionalnim standardima psihoterapije i uz poštivanje etičkih principa u ovom radu (posebno principa **povjerljivosti** podataka koji se odnose na korisnika i sadržaj tretmana, te principa **dobrovoljnosti** dolaska i uključivanja u tretman).

Također, neizostavan dio aktivnosti Savjetovališta u 2018. godini bit će saradnja sa ustanovama i institucijama koje se bave porodicom i njenim članovima, a posebno sa:

- ustanovama u mreži socijalne zaštite;
- JU „Dom zdravlja Kantona Sarajevo“, odnosno centrima za mentalno zdravlje na području Kantona Sarajevo kao i JU „Zavod za zaštitu žena i materinstva Kantona Sarajevo“;
- obrazovnim ustanovama u Kantonu Sarajevo;
- udruženjima koja tretiraju osobe sa invaliditetom, te
- drugim ustanovama i institucijama po ukazanoj potrebi.

II NORMATIVNI DIO

Naziv materijala: Unutrašnji opći akti

Nosilac izrade: KJU „Porodično savjetovalište“

Rok za izradu: tokom 2018. godine

Organ koji razmatra materijal: Upravni odbor i resorno ministarstvo

Kratak sadržaj materijala: Usaglašavanje internih općih akata Ustanove sa važećim zakonskim i podzakonskim propisima odnosno donošenje novih akata shodno ukazanim potrebama.

III TEMATSKI DIO

3.1. IZVJEŠTAJI, PROGRAMI, PLANOVI

3.1.1.

Naziv materijala: Izvještaj o poslovanju (Izvještaj o radu sa izvještajem o finansijskom poslovanju) KJU „Porodično savjetovalište“ za 2017. godinu

Nosilac izrade: KJU „Porodično savjetovalište“

Rok za izradu: april 2018. godine - Vlada Kantona Sarajevo
maj 2018. godine - Skupština Kantona Sarajevo

Organ koji razmatra materijal: Vlada Kantona Sarajevo i Skupština Kantona Sarajevo

Kratak sadržaj materijala: Izvještaj o poslovanju KJU „Porodično savjetovalište“, Izvještaj o radu direktora, Izvještaj o radu Upravnog odbora i Izvještaj o radu Nadzornog odbora, te Izvještaj o finansijskom poslovanju.

3.1.2.

Naziv materijala: Izvještaj o radu KJU „Porodično savjetovalište“ za period oktobar -decembar 2017. godine

Nosilac izrade: KJU „Porodično savjetovalište“

Rok za izradu: januar - februar 2018. godine

Organ koji razmatra i usvaja materijal: Upravni odbor

Kratak sadržaj materijala: Prikaz realiziranih i započelih aktivnosti Ustanove za izvještajni period oktobar – decembar 2017. godine.

3.1.3.

Naziv materijala: Izvještaj o izvršenju Budžeta KJU „Porodično savjetovalište“ za period januar-decembar 2017. godine

Nosilac izrade: KJU „Porodično savjetovalište“

Rok za izradu: februar-mart 2018. godine

Organ koji razmatra materijal: Upravni odbor/Nadzorni odbor

Kratak sadržaj materijala: Izvršenje Budžeta Ustanove za period januar - decembar 2017. godine.

3.1.4.

Naziv materijala: Finansijski plan KJU „Porodično savjetovalište“ za 2018. godinu

Nosilac izrade: KJU „Porodično savjetovalište“

Rok za izradu: mart 2018. godine

Organ koji razmatra i donosi materijal: Upravni odbor

Kratak sadržaj materijala: Prikaz iznosa neophodnih/odobrenih finansijskih sredstava za obavljanje djelatnosti Ustanove tokom 2018. godine.

3.1.5.

Naziv materijala: Nacrt programa rada KJU „Porodično savjetovalište“ za 2019. godinu

Nosilac izrade: KJU „Porodično savjetovalište“

Rok za izradu: septembar 2018.godine

Organ koji razmatra i utvrđuje materijal: Upravni odbor

Kratak sadržaj materijala: Planiranje i programski zadaci Ustanove u 2019. godini.

3.1.6.

Naziv materijala: Program rada KJU „Porodično savjetovalište“ za 2019. godinu

Nosilac izrade: KJU „Porodično savjetovalište“

Rok za izradu: novembar – Vlada Kantona Sarajevo
decembar – Skupština Kantona Sarajevo

Organ koji razmatra i utvrđuje materijal: Upravni odbor

Kratak sadržaj materijala: Programski zadaci i aktivnosti Ustanove planirani za 2019. godinu.

3.1.7.

Naziv materijala: Izvještaj o radu KJU „Porodično savjetovalište“ za period januar-mart 2018.g.

Nosilac izrade: KJU „Porodično savjetovalište“

Rok za izradu: april-maj 2018. godine

Organ koji razmatra i usvaja materijal: Upravni odbor

Kratak sadržaj materijala: Prikaz realiziranih i započetih aktivnosti Ustanove za izvještajni period januar-mart 2018. godine.

3.1.8.

Naziv materijala: Izvještaj o radu KJU „Porodično savjetovalište“ za period april-juni 2018.g.

Nosilac izrade: KJU „Porodično savjetovalište“

Rok za izradu: juli-august 2018. godine

Organ koji razmatra i usvaja materijal: Upravni odbor

Kratak sadržaj materijala: Prikaz realiziranih i započelih aktivnosti Ustanove za izvještajni period april-juni 2018. godine.

3.1.9.

Naziv materijala: Izvještaj o radu KJU „Porodično savjetovalište“ za period juli-septembar 2018.g

Nosilac izrade: KJU „Porodično savjetovalište“

Rok za izradu: oktobar – novembar 2018. godine

Organ koji razmatra i usvaja materijal: Upravni odbor

Kratak sadržaj materijala: Prikaz realiziranih i započelih aktivnosti Ustanove za izvještajni period juli-septembar 2018. godine.

3.1.10.

Naziv materijala: Izvještaj o izvršenju Budžeta KJU „Porodično savjetovalište“ za period januar-mart 2018. godine.

Nosilac izrade: KJU „Porodično savjetovalište“

Rok za izradu: april-juni 2018. godine

Organ koji razmatra materijal: Upravni odbor/Nadzorni odbor

Kratak sadržaj materijala: Izvršenje Budžeta Ustanove za period januar-mart 2018. godine

3.1.11.

Naziv materijala: Izvještaj o izvršenju Budžeta KJU „Porodično savjetovalište“ za period januar-juni 2018. godine

Nosilac izrade: KJU „Porodično savjetovalište“

Rok za izradu: juli-august 2018. godine

Organ koji razmatra materijal: Upravni odbor/Nadzorni odbor

Kratak sadržaj materijala: Izvršenje Budžeta Ustanove za period januar - juni 2018. godine.

3.1.12.

Naziv materijala: Izvještaj o izvršenju Budžeta KJU „Porodično savjetovalište“ za period januar - septembar 2018. godine

Nosilac izrade: KJU „Porodično savjetovanište“

Rok za izradu: oktobar-novembar 2018. godine

Organ koji razmatra materijal: Upravni odbor/Nadzorni odbor

Kratak sadržaj materijala: Izvršenje Budžeta Ustanove za period januar- septembar 2018. g.

3.1.13.

Naziv materijala: Plan nabavki KJU „Porodično savjetovanište“ za 2018. godinu

Nosilac izrade: KJU „Porodično savjetovanište“

Rok za izradu: mart 2018.godine

Organ koji razmatra materijal: Upravni odbor

Kratak sadržaj materijala: Planiranje neophodnih nabavki (usluga i roba) za 2018. godinu.

3.1.14.

Naziv materijala: Nacrt plana nabavki KJU „Porodično savjetovanište“ za 2019. godinu

Nosilac izrade: KJU „Porodično savjetovanište“

Rok za izradu: decembar 2018.godine

Organ koji razmatra materijal: Upravni odbor

Kratak sadržaj materijala: Planiranje neophodnih nabavki (usluga i roba) za 2019. godinu.

3.2. AKTIVNOSTI PRIMARNE/ UNIVERZALNE I SELEKTIVNE PREVENCIJE

Kantonalna javna ustanova „Porodično savjetovanište“ i u 2018. godini će nastaviti da obavlja aktivnosti primarne odnosno univerzalne i selektivne prevencije u nastojanju da odgovori na aktuelne psihosocijalne potrebe i probleme građana. Planirane programske aktivnosti su postavljene na način da obuhvataju populacijske skupine različitih životnih dobi, prateći razvojne faze porodice, od izbora partnera za brak, preko rođenja djeteta, polaska djeteta u školu, porodice sa djetetom školske dobi, do osoba treće životne dobi. Ovim aktivnostima se nastoje prevenirati određeni problemi koji su karakteristični za pojedine razvojne faze porodice, ali i odgovoriti na aktuelne probleme sa kojima se susreće današnja porodica. Također, programskim aktivnostima nastojat ćemo pružiti podršku i marginaliziranim grupama kao što su osobe sa invaliditetom i jednoroditeljske porodice.

U realizaciji programskih aktivnosti i dalje ćemo nastojati koristiti nove metode preventivnog djelovanja i inovativne načine prenošenja poruka uz korištenje savremenih alata poput društvenih mreža/interneta.

U nastavku su pojedinačno predstavljene i opisane programske aktivnosti planirane za realizaciju u 2018. godini.

3.2.1. Programska aktivnost: „Zajedno do uspjeha“

Generalni cilj: Prevencija mogućih rizičnih i nepoželjnih oblika ponašanja učenika osnovnih škola kroz saradnju nastavnika, učenika i njihovih roditelja na unapređenju znanja, vještina i kompetencija za izgradnju kvalitetnijeg odnosa.

Specifični ciljevi :

1. Ukazati na mogućnosti i značaj saradnje između tri ključna subjekta odgojno – obrazovnog procesa (učenika, roditelja i nastavnika);
2. Prepoznati i definirati teškoće i zone konflikata između učenika, roditelja i nastavnika;
3. Kreirati i ponuditi efikasniji model saradnje ova tri subjekta;
4. Povećati stepen saradnje učenika, roditelja i nastavnika.

Ciljna grupa: Učenici osnovne škole u dobi od 13 do 15 godina, njihovi roditelji, nastavnici i pedagozi.

Nosilac aktivnosti: KJU „Porodično savjetovalište“

Rok: oktobar-decembar 2018. godine

Kratak sadržaj: Kroz programsku aktivnost „Zajedno do uspjeha“ koja se sastoji od šest interaktivnih radionica radi se na identificiranju, te ublažavanju ili uklanjanju faktora koji značajno utječu na školski uspjeh učenika. Rad se odvija u grupama od 15 do 25 učesnika (učenici, roditelji i nastavnici) gdje se kroz izgradnju adekvatnije komunikacije i jačanje saradnje između ova tri subjekta nastoji poboljšati školski uspjeh učenika, te prevenirati rizična i nepoželjna ponašanja učenika.

U 2018. godini će pored realizacije programske aktivnosti u odabranoj osnovnoj školi od strane voditelja aktivnosti biti inicirana i realizacija novih ciklusa od strane ranije educiranih pedagoga u njihovim školama. U toku implementacije programske aktivnosti u svojim školama pedagozima se ostavlja mogućnost za daljnji kontakt sa voditeljem aktivnosti koji će raditi finalnu evaluaciju realiziranih radionica.

3.2.2. Programska aktivnost „Civilna hrabrost“

Generalni cilj: Suzbijanje nasilja među djecom i mladima i jačanje građanske hrabrosti.

Specifični cilj: Prevencija vršnjačkog nasilja u školskom okruženju i razvijanje praktičnih modela protiv nasilja među vršnjacima.

Ciljna populacija: Djeca i mladi u dobi između 12 i 15 godina.

Nosilac aktivnosti: KJU „Porodično savjetovalište“

Rok: mart-decembar 2018. godine

Kratak sadržaj: S obzirom da živimo u vremenu čestih manifestacija nasilja među djecom i mladima, KJU „Porodično savjetovalište“ će i u 2018. godini provoditi programsku aktivnost čiji je cilj prevencija vršnjačkog nasilja i jačanje građanske hrabrosti. Kroz šest radionica radit će se na jačanju zajedništva i povjerenja u grupi, podizanju svijesti djece i mladih o različitim vrstama nasilja i načinima njihovog suzbijanja, kao i ispravnog reagiranja u slučaju pojave nasilja, te na izradi strategije protiv nasilja.

Rad će se odvijati u grupama od 15 do 25 učenika srednjih škola, te će obuhvatiti edukaciju i mentorstvo. Naime, uzimajući u obzir činjenicu da vršnjaci u velikoj mjeri utječu na to koje će ponašanje, vrijednosti ili stavove usvojiti određena osoba, ova programska aktivnost će obuhvatiti i vršnjačku edukaciju koja se bazira na pretpostavci da će mladi ljudi radije prihvatiti informacije i savjet od svojih vršnjaka nego od roditelja, nastavnika ili drugih stručnjaka. Dakle, nakon što učenici prođu edukaciju o prepoznavanju i pravilnim reakcijama u slučajevima nasilja, najaktivniji učenici će biti izabrani za vršnjačke edukatore koji će provoditi akciju osvještavanja i educiranja vršnjaka o ovoj temi kroz prezentacije i radionice. Također, sa izabranim edukatorima će se raditi supervizijsko praćenje dogovorenih aktivnosti.

3.2.3. Programska aktivnost: „Mladi za mlade“

Generalni cilj: Osposobljavanje adolescenata-lidera za pozitivno vršnjačko djelovanje u socijalnom okruženju kao oblik preveniranja rizičnih pojava i nepoželjnih modela ponašanja adolescenata.

Specifični ciljevi:

1. Upoznavanje učesnika sa nenasilnom komunikacijom te prednostima nenasilnog i saradničkog pristupa međuljudskim odnosima;
2. Sticanje vještina i usavršavanje tehnika asertivne komunikacije i upoznavanje sa pravilima asertivnosti;
3. Sticanje znanja o komponentama aktivnog slušanja i usavršavanje tehnika aktivnog slušanja.

Ciljna grupa: Adolescenti u dobi od 16 do 19 godina koji su identificirani kao prirodni lideri, te mladi iz užeg i šireg okruženja educiranih lidera.

Nosilac aktivnosti: KJU „Porodično savjetovalište“

Rok: mart-decembar 2018. godine.

Kratak sadržaj: Kroz programsku aktivnost pod nazivom „Mladi za mlade“ radi se na razvijanju i jačanju socijalnih/životnih vještina mladih i podizanju svijesti o potrebi njihovog djelovanja u društvu. Budući da utjecaj vršnjaka može biti jedan od temeljnih vidova podrške i ohrabrenja adolescentima u razvoju njihovih mogućnosti i snaga, programska aktivnost je usmjerena na edukaciju vršnjačkih lidera za pozitivno vršnjačko djelovanje.

U ovogodišnjem ciklusu realizacije aktivnosti naglasak će biti stavljen na temu nenasilne komunikacije. Rad će se odvijati u grupama od 16-20 učenika II i III razreda srednje škole kroz šest interaktivnih radionica, te će obuhvatiti edukaciju i mentorstvo. Nakon edukacije i osposobljavanja za djelovanje na polju komunikacije, učesnici će imati zadatak da provedu akcije osvještavanja, informiranja i educiranja vršnjaka o ovoj temi. Evaluacija će se obavljati praćenjem i superviziranjem aktivnosti lidera u svom vršnjačkom okruženju do kraja školske godine.

3.2.4. Programska aktivnost: „Moj izbor“

Generalni cilj: Prevencija bračne i porodične disfunkcionalnosti te unapređenje partnerske komunikacije.

Specifični cilj: Jačanje kompetencija mladih za kvalitetan izbor partnera i izgradnju funkcionalnih partnerskih odnosa.

Ciljna grupa: Mladi u dobi od 18 do 28 godina.

Nosilac aktivnosti: KJU „Porodično savjetovalište“.

Rok: januar-septembar 2018. godine.

Kratak sadržaj: Realizacija programske aktivnosti “Moj izbor” usmjerena je na unapređenje kompetencija, znanja i vještina mladih za razvoj funkcionalnog partnerskog odnosa. Kroz devet interaktivnih radionica učesnici osvještavaju svoje stereotipe i predrasude o ljubavi, suprotnom polu, seksu i braku, postaju svjesni svojih partnerskih potreba i očekivanja, kao i toga šta utječe na izbor partnera, osvještavaju važnost kvalitetne partnerske komunikacije, ali i spoznaju razliku između ljubavi, zaljubljenosti i ljubomore, te stiču vještine razrješavanja konflikata.

3.2.5. Programska aktivnost „Unapređenje roditeljstva“

Generalni cilj: Jačanje roditeljskih kompetencija i vještina za što lakšu prilagodbu pri polasku djeteta u školu.

Specifični ciljevi:

1. Senzibilizirati roditelje za odgovorno roditeljstvo i predstojeću saradnju sa školom;
2. Podizanje svijesti u lokalnoj zajednici za važnost pripreme djece za polazak u školu i aktivno učešće roditelja u odgojno-obrazovnom procesu;
3. Osposobiti pedagoge/učitelje obrazovnih ustanova Kantona Sarajevo za provođenje radionica iz programskih aktivnosti „Unapređenje roditeljstva“.

Ciljna grupa: Primarna ciljna grupa u programskim aktivnostima su roditelji djece koja polaze u prvi razred osnovne škole. Sekundarna ciljna grupa su pedagozi/učitelji obrazovnih ustanova Kantona Sarajevo.

Nosilac aktivnosti: KJU ”Porodično savjetovalište”.

Rok: januar-august 2018. Godine.

Kratak sadržaj: Programska aktivnost „Unapređenje roditeljstva“ usmjerena je na jačanje roditeljskih kompetencija ciljne grupe kroz razrješavanje dilema u primjeni odgojnih postupaka, jačanje svijesti o važnosti provođenja kvalitetnog zajedničkog vremena roditelja i djece, prepoznavanje dječjih potreba u ovom razvojnem periodu i načina njihovog zadovoljavanja u porodici, te povećanje uključenosti u pripremu djece za adaptaciju na novu socijalnu sredinu - školu.

Realizacija programske aktivnosti je usmjerena na direktan rad sa članovima pedagoško -psiholoških službi predškolskih i osnovnoškolskih ustanova u Kantonu Sarajevo koji će pripremljene sadržaje prenositi roditeljima. Za roditelje koji budu učestvovali u ovim sadržajima predviđena je i podjela Priručnika za usavršavanje roditeljskih kompetencija u pripremi djeteta za polazak u školu.

3.2.6. Programska aktivnost: „Zlatne godine“

Generalni cilj: Prevencija socijalne isključenosti osoba starije životne dobi.

Specifični ciljevi:

1. Poticanje i jačanje međugeneracijske solidarnosti u pristupu starenju;
2. Poboljšanje i poticanje psiholoških mehanizama koji vode ka izgradnji kvalitetnijih odnosa, kako u vlastitoj porodici tako i u socijalnoj sredini.

Ciljna grupa: Osobe starije od 55 godina sa područja Kantona Sarajevo, koje su penzionisane ili su nezaposlene.

Nosilac aktivnosti: KJU „Porodično savjetovalište“.

Rok: mart-decembar 2018. Godine.

Kratak sadržaj: Programska aktivnost „Zlatne godine“ će se realizirati u ciklusima od četiri radionice sa grupama od 20 do 30 osoba starije životne dobi - korisnicima usluga centara za zdravo starenje sa područja Kantona Sarajevo. Planiranom aktivnošću učesnici će se poticati na razmišljanje o sebi, posmatranje sebe i svog života iz različitih perspektiva, radit će se na njihovom socijalnom osnaživanju za lakše suočavanje sa izazovima trećeg životnog doba, kao i razvijanju svijesti o odgovornosti za kvalitetu vlastitog života, odnosno poticat će se na ponašanja koja vode do aktivnog starenja čime se sprječava socijalna isključenost. Nakon realizacije, uradit će se evaluacija aktivnosti.

3.2.7. Programska aktivnost: Predavanja za roditelje

Generalni cilj: Prevencija rizičnih, preddelinkventnih i delinkventnih oblika ponašanja

Specifični ciljevi:

1. Edukacija i osposobljavanje roditelja za prepoznavanje unutar - porodičnih rizičnih faktora;
2. Blagovremeno prepoznavanje i preveniranje nepoželjnih oblika ponašanja kod djece koja mogu voditi ka maloljetničkom prijestupništvu.

Ciljna populacija: Roditelji djece osnovnih i srednjih škola Kantona Sarajevo.

Nosilac aktivnosti: KJU „Porodično savjetovalište“.

Rok: mart-decembar 2018. godine.

Kratak sadržaj: Kantonalna javna ustanova „Porodično savjetovalište“ u 2018. godini nastavlja saradnju sa osnovnim i srednjim školama na realizaciji edukacije i osposobljavanja roditelja da što kvalitetnije ispune svoju roditeljsku ulogu i ojačaju svoje kompetencije u poticanju razvoja djece.

Ova programska aktivnost u 2018. godini predviđa da se u realizaciju interaktivnih predavanja, od kreiranja pa do same realizacije, uključe stručni predstavnici škole, ali i drugi subjekti koji bi mogli biti relevantni u realizaciji predavanja o temama za koje škole iskažu potrebu. Ova aktivnost podrazumijeva kreiranje poticajnog okruženja u kojem bi roditelji s voditeljima iz različitih sektora, ali i s drugim roditeljima razmjenjivali ideje o načinima na koje žive svoje roditeljstvo, te dobili savjete kako da se nose sa izazovima savremenog roditeljstva.

Također, planirana je i realizacija predavanja za roditelje izvan školskog okruženja u okviru sportskih klubova, kulturnih, umjetničkih i drugih društava i organizacija koje iskažu potrebu za saradnjom.

3.2.8. Programska aktivnost: “Porodično u Vašoj osnovnoj školi”

Generalni cilj: provođenje različitog skupa aktivnosti primarne i sekundarne prevencije s ciljem unapređenja odgojno-obrazovnog sistema u smislu jačanja subjekata odgojno-obrazovnog rada, te kvalitetnije saradnje porodice, škole i šire društvene zajednice.

Specifični ciljevi:

1. Edukacija i osposobljavanje roditelja za prepoznavanje i preveniranje unutarporodičnih rizikofaktora;
2. Unapređenje znanja, vještina i kompetencija učenika osnovnih škola u smjeru prosocijalnog ponašanja i boljeg obrazovnog postignuća;
3. Podrška nastavnicima u izgradnji kvalitetnijeg saradničkog odnosa učenika, roditelja i nastavnika, a samim tim i nastavnom procesu;
4. Senzibiliziranje subjekata odgojno-obrazovnog rada za korištenje usluga “Porodičnog savjetovališta” po vlastitom izboru.

Ciljna populacija: Učenici, roditelji i nastavnici osnovnih škola Kantona Sarajevo.

Nosilac aktivnosti: KJU „Porodično savjetovalište“

Rok: februar-decembar 2018. godine

Kratak sadržaj: KJU “Porodično savjetovalište” će i u 2018. godini pružati podršku porodici i školi u ostvarivanju odgojno-obrazovne funkcije kroz realizaciju programske aktivnosti pod nazivom “Porodično u Vašoj osnovnoj školi”. Ova aktivnost predstavlja skup različitih preventivnih aktivnosti (predavanja i radionice za nastavnike, roditelje i učenike), te inicijalne razgovore sa roditeljima, učenicima i nastavnicima u cilju njihovog senzibiliziranja za korištenje usluga “Porodičnog

savjetovališta”. Posebna pažnja će se usmjeriti na korištenje postojećih resursa škole u smislu promocije porodice i njenih vrijednosti kroz rad vijeća učenika, vijeća roditelja i različitih školskih sekcija. Nakon realizacije izradit će se evaluacioni izvještaj koji će podrazumijevati analizu planiranih ciljeva i efekata provedenih aktivnosti.

3.2.9. Programska aktivnost: „Porodično u Vašoj srednjoj školi“

Generalni cilj: provođenje skupa različitih preventivnih i terapijskih aktivnosti s ciljem jačanja subjekata odgojno-obrazovnog rada srednjih škola, te kvalitetnije saradnje porodice i škole.

Specifični ciljevi:

1. Jačanje saradnje porodice i škole;
2. Podrška nastavnicima u izgradnji kvalitetnijeg saradničkog odnosa učenika i nastavnika;
3. Unapređenje znanja, vještina i kompetencija učenika srednjih škola s ciljem unapređenja prosocijalnog ponašanja, prevencije vršnjačkog nasilja, boljeg obrazovnog postignuća i lakše zapošljivosti;
4. Jačanje roditeljskih kompetencija za nošenje sa izazovima adolescentske dobi u svrhu preveniranja rizičnih ponašanja mladih;
5. Senzibiliziranje subjekata odgojno-obrazovnog rada za korištenje usluga “Porodičnog savjetovališta”.

Ciljna populacija: Učenici, roditelji i profesori srednjih škola Kantona Sarajevo.

Nosilac aktivnosti: KJU „Porodično savjetovalište“

Rok: januar-decembar 2018. godine.

Kratak sadržaj: Programska aktivnost „Porodično u Vašoj srednjoj školi“ podrazumijeva različite aktivnosti: *promociju* (medijska najava, najava na web stranici škole i Ustanove, postavljenje štandova u školi i podjelu letaka o aktivnosti i radu Ustanove), *primarnu prevenciju* (predavanja i radionice za nastavnike, roditelje i učenike), te rad terapeuta/savjetnika Ustanove na *senzibiliziranju* subjekata odgojno-obrazovnog rada za korištenje usluga “Porodičnog savjetovališta” po vlastitom izboru.

Planirano je da se organizira rad u manjim ili mješovitim grupama (učenici-nastavnici, učenici-roditelji, nastavnici-roditelji) u kojima će se primijeniti kreativne tehnike grupnog rada što će omogućiti razmjenu potreba i stavova, dilema i iskustava u korist stvaranja kvalitetnijih odnosa i poboljšanja uslova za zdrav i cjelovit razvoj mladih.

3.2.10. Programska aktivnost: „Mladi u svijetu rada”

Generalni cilj: Pružiti psihosocijalnu podršku mladima u razvoju vlastitih potencijala s ciljem lakše zapošljivosti i razvoja buduće karijere.

Specifični ciljevi:

1. Prepoznati vlastite sposobnost i identificirati one koje je potrebno unaprijediti, a koje su važne za kontekst zapošljivosti;
2. Utvrditi i ojačati adaptivne i prenosive vještine potrebne za lakšu zapošljivost i konkurentnost na tržištu rada;
3. Unaprijediti znanja o interpersonalnoj komunikaciji, raditi na jačanju samoprezentacijskih vještina, te vještina potrebnih za učinkovitu komunikaciju.

Ciljna populacija: Učenici drugog i trećeg razreda srednje škole.

Nosilac aktivnosti: KJU „Porodično savjetovalište“.

Rok: februar-decembar 2018. godine.

Kratak sadržaj: Ova programska aktivnost je namijenjena učenicima drugog i trećeg razreda srednje škole jer se pokazalo da učenici već tokom samog školovanja, a ne samo po njegovom završetku trebaju raditi na sebi i razvijati i unapređivati vještine potrebne za lakšu zapošljivost. Aktivnost će se realizirati u grupama od 15 do 20 učenika, koji će kroz četiri radionice raditi na boljem upoznavanju sebe, svojih sposobnosti i vještina, kao i vještina koje poslodavci posebno cijene, raditi na njihovom unapređivanju, te se upoznati sa aktuelnim stanjem na tržištu rada. Ova aktivnost predstavlja i oblik intersektorske saradnje kroz učešće Službe za zapošljavanje Kantona Sarajevo u realizaciji jedne radionice.

3.2.11. Programska aktivnost: „Kreativan možeš biti ti““

Generalni cilj: Poticati kod mladih razvoj kreativnog mišljenja

Specifični ciljevi:

- prevazići prepreke ka kreativnom razmišljanju o problemu ili pitanju;
- posmatrati probleme iz različitih uglova;
- pokazati načine na koji se može prevazići konvencionalno mišljenje;
- povećati brzinu razmišljanja grupe i pojedinca i stvoriti više ideja i mogućnosti.

Ciljna grupa: Učenici srednjih škola Kantona Sarajevo

Nosilac aktivnosti: KJU „Porodično savjetovalište“

Rok: februar-decembar 2018. godine

Kratak sadržaj: Dosadašnja iskustva u programskim aktivnostima primarne prevencije pokazuju da djeca i mladi u većini slučajeva koriste iste obrasce razmišljanja prilikom odgovaranja na pitanja ili rješavanja problema. Međutim, poticanje kreativnog mišljenja kod djece i mladih je od neizmjerne važnosti jer je to vrsta mišljenja koja rezultira izumima i inovacijama. Kreativnost je ključna za snalaženje u izazovima modernog doba, stoga KJU „Porodično savjetovalište“ ima za cilj provesti niz interaktivnih radionica sa srednjoškolcima posvećenih razvijanju kreativnosti kroz sljedeće teme: *Stvaranje više mogućnosti i ideja; Prevazilaženje konvencionalnog mišljenja; Kreativno mišljenje i igra; Povezivanje i asocijacije i Izazov.*

3.2.12. Programska aktivnost „Ponašajne ovisnosti“

Generalni cilj: Razviti ispravan odnos prema igrama na sreću kod djece i mladih, te prevenirati negativne učinke interneta kroz poticanje na njegovo pravilno korištenje.

Specifični ciljevi:

1. Približavanje tema ponašajnih ovisnosti mladima kroz nove medije;
2. Savladavanje novih alata iz oblasti novih medija.

Ciljna grupa: Učenici srednjih škola Kantona Sarajevo.

Nosilac aktivnosti: KJU „Porodično savjetovalište“.

Rok: februar-decembar 2018. godine.

Kratak sadržaj: Kroz šest radionica ove programske aktivnosti učenici će se upoznati sa osnovnim pojmovima i uzrocima nastanka ponašajnih ovisnosti, analizirati situaciju po pitanju ovisnosti o internetu i igrama na sreću/kockanju u svojoj školi i kod svojih vršnjaka, osmišljavati preventivne metode i poruke za svoje vršnjake koje će prikazati kroz kratke animirane filmove u trajanju do dvije minute.

Za realizaciju ove programske aktivnosti koristit će se inovativna tehnika „tabletop movies“ gdje su učenici u središtu autorskog iskustva, što znači da prolaze kroz cijeli filmski proces od pisanja scenarija do snimanja filma. Čitav filmski set se izrađuje prvenstveno od olovke i papira, dok se filmovi snimaju tabletom, mobilnim telefonom ili nekim drugim uređajem za snimanje. Planirana je distribucija ovih filmova putem društvenih mreža Ustanove, autora i njihovih vršnjaka, što će omogućiti da poruke mladih lakše dođu do ciljne populacije.

3.2.13. Programska aktivnost: „Korak do roditeljstva“

Generalni cilj: Psihosocijalna priprema budućih majki za roditeljstvo.

Specifični ciljevi:

1. Jačanje partnerskih odnosa budućih roditelja;
2. Upoznavanje budućih majki sa promjenama koje nastaju tranzicijom u roditeljstvo radi lakšeg nošenja sa istim;
3. Upoznavanje sa potrebama djeteta i važnošću njihovog zadovoljavanja.

Ciljna populacija: Trudnice, korisnice usluge psihofizička priprema trudnica za porođaj u okviru JU „Zavod za zaštitu žena i materinstva Kantona Sarajevo“.

Kratak sadržaj: Poznato je da je rođenje djeteta faza koja je u životnom ciklusu porodice označena kao kritična faza u njenom porodice. Iskustva KJU „Porodično savjetovalište“ u radu sa mladim prvoroditeljima pokazuju da mnogi roditelji ulaze u tu fazu nepripremljeni, sa neznatnim znanjem o psihosocijalnim promjenama koje se dešavaju preuzimanjem roditeljske uloge, stoga kroz ovu programsku aktivnost ćemo nastojati upoznati buduće majke sa tim promjenama, kako bi se lakše nosile sa istim. Također, radit ćemo i na polju osvještavanja važnosti izgradnje zdravog partnerskog odnosa budućih roditelja što je osnova za kvalitetno roditeljstvo, kao i upoznavanja sa potrebama djeteta i značajem pravovremenog odgovaranja na njih. S obzirom na važnost uloge očeva u roditeljstvu i njihove uključenosti u odgoj, nastojat ćemo da se i očevi uključe u interaktivna predavanja.

3.2.14. Programska aktivnost „ZaJedno“ – Promocija inkluzivne kulture

Generalni cilj: Promocija jednakih životnih prilika bez diskriminacije po bilo kojoj osnovi.

Specifični cilj: Stvaranje inkluzivne kulture u školama kroz provođenje interaktivnih radionica za učenike, roditelje i nastavnike.

Ciljna populacija: učenici, roditelji i nastavnici u školama Kantona Sarajevo.

Nosilac aktivnosti: KJU „Porodično savjetovalište“.

Partneri u realizaciji: Savez „Sumero“, Udruženje slijepih KS, Udruženje distrofičara KS, Udruženje gluhih KS, Udruženje oboljelih od multiple skleroze KS.

Rok: januar -decembar 2018. godine.

Kratak sadržaj: Aktivnost „ZaJedno“ predstavlja mrežnu podršku inkluzivnoj kulturi kroz rad sa učenicima, nastavnicima i roditeljima. Aktivnosti će se realizirati kroz interaktivne radionice, edukacije i prenošenje iskustava predstavnika udruženja u različitim životnim prilikama sa posebnim fokusom na školski proces.

Učesnici će se moći kroz interaktivni rad upoznati sa pojmom invaliditeta, zatim preispitati vlastita mišljenja i stavove o osobama sa invaliditetom kao i uvidjeti da su neznanje, predrasude i strah glavni faktor neadekvatne socijalne interakcije. Uz prenošenje vlastitog iskustva predstavnika udruženja, učesnici će moći saznati i nešto više o potrebama i poteškoćama osoba sa invaliditetom, te na koji način svojim razumijevanjem, prihvatanjem i poštovanjem mogu pomoći drugima.

Ove aktivnosti će se realizirati i kroz plan i program odjeljenskih zajednica kako bi kontinuirano poticali važnost jednakih mogućnosti za sve. Posebna vrijednost ove programske aktivnosti leži upravo u saradnji i udruživanju resursa organizacija koje tretiraju oblast inkluzije i institucija iz socijalnog i obrazovnog sektora.

3.2.15. Programska aktivnost “Psihosocijalna podrška članovima porodica sa iskustvom razvoda braka”

Generalni cilj: Pružanje psihosocijalne podrške članovima porodica sa iskustvom razvoda braka kroz rad u grupi.

Specifični ciljevi:

1. Jačanje roditeljskih kompetencija kako bi što adekvatnije odgovorili na različite potrebe djece u ovoj specifičnoj i osjetljivoj organizaciji života nakon razvoda braka, a i sami postali funkcionalniji;
2. Upoznavanje sa važnošću uspostavljanja funkcionalnog (kvalitetnog) roditeljstva nakon razvoda braka;
3. Preveniranje socijalne izolacije kroz suočavanje i prihvatanje promjena u društvenom funkcionisanju (gubitak starih veza i odnosa, organizacija slobodnog vremena i sl.).

Ciljna populacija: Roditelji sa iskustvom razvoda braka.

Nosilac aktivnosti: KJU „Porodično savjetovalište“.

Rok: januar - decembar 2018. godine.

Kratak sadržaj: S obzirom da učinci razvoda stresno djeluju i bitno mijenjaju ustaljene porodične sadržaje i odnose, Kantonalna javna ustanova „Porodično savjetovalište“ će u 2018. godini nastojati pružiti psihosocijalnu podršku roditeljima sa iskustvom razvoda braka, sa posebnim akcentom na roditeljstvo.

Kroz grupni rad, razmjenu iskustava i psihoedukaciju želi se pomoći roditeljima da što bezbolnije prođu kroz uobičajene krize koje se neminovno pojavljuju i sa kojima se suočavaju, kako bi dalje napredovali u svom razvoju. Također, kroz ovu aktivnost nastojimo osnažiti roditelje kako bi se u novonastalim situacijama adekvatno izborili sa povećanom količinom stresa i bili odgovarajuća podrška svojoj djeci, jer u protivnom dugotrajan stres iscrpljuje porodične adaptivne sposobnosti i dovodi do krize u porodici.

3.3. SAVJETODAVNO-TERAPEUTSKI RAD (SEKUNDARNA PREVENCIJA)

KJU „Porodično savjetovalište“ će i tokom 2018. godine pružati usluge građanima Kantona Sarajevo koji se suoče sa poteškoćama i problemima za čije će rješavanje biti neophodna stručna pomoć, te koji iskažu potrebu za savjetodavno-terapeutskim tretmanom i motivaciju za postizanje promjena na planu ličnog funkcioniranja ili u području odnosa sa drugima.

Savjetodavno-terapeutske usluge pružat će se uz primjenu sistemskog načina razumijevanja funkcioniranja porodice, te koristeći tehnike sistemske porodične terapije kao i komplementarne tehnike drugih terapijskih škola.

Savjetodavno-terapeutske usluge će se pužati u sigurnom i povjerljivom ambijentu u skladu sa profesionalnim standardima psihoterapije uz poštovanje etičkih principa, a naročito principa povjerljivosti podataka vezanih za korisnika i sadržaj tretmana, te principa dobrovoljnosti za uključivanje u tretman.

Savjetodavno-terapeutski rad će se odvijati u prostorijama Ustanove kako za osobe koje se lično obrate za pomoć, tako i za one koje od strane institucija socijalnog, zdravstvenog ili školskog sistema, a uz vlastiti pristanak, budu usmjerene na tretman.

Vrste usluga

Savjetodavno-terapeutski rad je strukturiran proces usmjeren na promjenu interakcija porodičnog sistema koji se odvija između terapeuta i korisnika usluga u cilju otklanjanja problema koji ograničavaju funkcioniranje porodice i njenih članova. U okviru savjetodavno-terapeutskog rada korisnicima će i tokom naredne godine biti pružane usluge:

- psihoterapije,
- savjetovanišnog rada,
- dijagnosticiranja problema,
- preliminarne trijaže,
- inicijalnog intervjua,
- krizne intervencije,
- eko intervencija,
- posredovanja prije pokretanja postupka za razvod braka,
- izrade nalaza i mišljenja,
- praćenja korisnika po oknčanju tretmana,
- intervencija obavljenih putem telefona.

Savjetodavno-terapeutski rad će i u narednom periodu započinjati inicijativom korisnika i uspostavom kontakata putem telefona ili ličnim dolaskom u prostorije Porodičnog savjetovaništa.

Tokom prvog kontakta savjetnika-terapeuta sa korisnikom usluga obavljat će se **preliminarna trijaža**, proces u okviru kojeg će se fokusirati problem, procijeniti indikacije za tretman u Savjetovaništu i/ili će se korisnici upućivati na konsultacije ili tretman u druge institucije.

Tokom prve seanse (**inicijalnog intervjua**) psihoterapeuti će biti usmjereni na kreiranje odnosa povjerenja, kao pretpostavke za otpočinjanje psihoterapijskog procesa. Cilj inicijalnog intervjua će i u narednoj godini biti **dijagnosticiranje problema** i sagledavanje očekivanja korisnika od tretmana, te utvrđivanje cilja tretmana.

Savjetovanišne ili usluge **psihoterapije** pružat će se u ovisnosti od nivoa složenosti problema, očekivanja korisnika, te definiranih ciljeva tretmana. Dužina trajanja jedne seanse će biti 45 minuta. Svako seansi će prethoditi predseansa u okviru koje će se odvijati priprema za savjetodavno-terapeutski rad. Također, nakon svake seanse realizirat će se postseansa, proces u kojem će stručni saradnici reflektirati o tretmanu, terapijskom procesu, korištenim intervencijama i terapijskim promjenama postignutim u okviru savjetodavno-terapeutskog procesa.

Usluge **krizne intervencije** će se, u skladu sa potrebama korisnika, pružati u okviru inicijalnog intervjua kao i sa korisnicima koji u toku kontinuiranog tretmana budu dodatno izloženi neočekivanim, stresnim situacijama.

Usluge **intervencija putem telefona** pružat će se kako korisnicima koji su uključeni u savjetodavno-terapeutske tretman, tako i osobama koje se suočavaju sa različitim problemima, a nisu spremne za uključivanje u tretman, te korisnicima koji se u stanju krize putem telefona obrate Porodičnom savjetovalištu.

Usluge praćenja će se pružati korisnicima koji budu u završnoj fazi tretmana, a koji iskažu potrebu za dodatnom podrškom savjetnika-terapeuta.

Ekointervencija je usluga koja će se pružati osobama izloženim višeslojnim problemima za čije rješavanje je neophodno paralelno tretiranje u okviru institucija socijalnog, zdravstvenog ili obrazovnog sistema ili onim za čije će rješavanje problema biti neophodna intervencija policijskih organa. Ova usluga će odvijati se u suradnji sa profesionalcima drugih institucija ili organizacija, a imat će za cilj koordiniranje intervencija koje se pružaju korisniku.

Očekuje se da će tokom 2018. godine u tretman biti uključeno **500** korisnika sa kojima se planira realizirati **2500 seansi savjetodavno-terapeutskog rada**, te da će broj pruženih usluga biti na nivou prethodne godine što je u skladu sa prostornim i kadrovskim kapacitetima, te standardima psihoterapije utvrđenim od strane Evropske asocijacije za psihoterapiju.

Posredovanje

Bračnim partnerima će se i u 2018. godini pružati usluge posredovanja prije pokretanja postupka za razvod braka. Ovom uslugom će supružnicima biti omogućeno preispitivanje odluke o razvodu braka, usaglašavanje mišljenja vezanih za povjeru malodobne djece nakon razvoda braka i postizanja dogovora oko dinamike viđanja i načina održavanja neposrednih odnosa malodobne djece sa roditeljem sa kojim ono neće nastaviti živjeti, kao i prijedloge novčanog iznosa namijenjenog za mjesečno izdržavanje djece. U okviru postupka posredovanja će se koristiti intervencije savjetovanja u cilju poticanja dogovornog roditeljstva i preveniranja mogućih posljedica razvoda braka na malodobnu djecu. Voditelj postupka će i u narednom periodu za potrebe Suda sačinjavati će **zapisnike** o provedenim postupcima posredovanja, te **stručna mišljenja** koja će sadržati sve potrebne elemente.

Oblici rada

Savjetodavno-terapeutske usluge pružat će se kroz individualni, dijadni (partnerski, bračni, roditeljski), porodični i grupni oblik rada što će ovisiti o prezentiranom problemu, fokusiranoj problematici i očekivanjima korisnika od tretmana, utvrđenog cilja tretmana, te broja članova porodičnog sistema koji će biti obuhvaćeni savjetodavno-terapeutskim uslugama.

Problematika po oblicima rada

Tokom 2018. godine tretirat će se poteškoće i problemi korisnika koji se tiču načina njihovog funkcioniranja u porodičnom ili drugim sistemima, a koji mogu dovesti do intrapersonalnih (unutarnjih-psiholoških) i/ili interpersonalnih (relacijskih) problema.

Individualni savjetodavno-terapeutske rad će se odvijati sa osobama koje se suočavaju sa iskustvima gubitaka bliskih osoba, traumatskim iskustvima, iskustvom prekida partnerske relacije, teškoćama u procesu emocionalnog povezivanja, nezadovoljstva samim sobom i načinom svog življenja,

nezadovoljstva vlastitom ulogom u porodičnom sistemu, nedostatkom kapaciteta za postizanje promjena itd.

Tretmanom bračnih, partnerskih, roditeljskih i **dijada** roditelj-dijete bit će obuhvaćene osobe koje nemaju kapacitet da samostalno prevaziđu krizna stanja i konflikte. Problematika koja će biti tretirana na nivou partnerstva je: međusobno nerazumijevanje partnera; neadekvatna emocionalna povezanost partnera; gubitak povjerenja; izvanbračne veze; te teškoće nastale usljed nedostatka kapaciteta partnera za adekvatnu preraspodjelu odgovornosti i obaveza itd.

Za partnere koji budu u fazi razvoda braka ili postrazvodnoj fazi tretirat će se konfliktna roditeljska komunikacija, nedostatak kapaciteta za postizanje funkcionalnog roditeljstva itd.

Porodičnim tretmanom će biti obuhvaćene porodice koje se nađu u okolnostima očekivanog unutarporodičnog stresa izazvanog prelaskom iz jedne razvojne faze u drugu i porodice suočene sa neočekivanim izvorima stresa koje se javljaju usljed životnih promjena kao što su gubitak značajne osobe, razvod braka, gubitak posla, bolest itd.

Savjetodavno-terapeutskim tretmanom će biti obuhvaćene i porodice koje imaju konfliktnu komunikaciju ili prekid komunikacije radi smanjene tolerancije na izražene međusobne razlike članova porodice međusobno, a posebno na relaciji roditelj-dijete/adolescent.

Grupni pristup primjenjivat će se u radu sa osobama koje u narednom periodu budu plasirale sličnu problematiku i koji budu motivirane da u okviru grupnog tretmana razvijaju nove vještine za lakše nošenje sa životnim poteškoćama.

Evaluacija terapijskog procesa će se i u narednoj godini realizirati sa svim korisnicima sa kojima će biti završen kontinuirani tretman. Evaluacija će se odvijati na način da se usmeno rekapituliraju značajni uvidi i postignute promjene obrazaca funkcioniranja korisnika nastalih tokom tretmana. Također, evaluacija će sadržavati i pismenu procjenu uspješnosti tretmana i provodit će se u toku samog terapijskog procesa pri čemu će savjetnici-terapeuti nastojati sagledati način na koji terapijske intervencije doprinose promjenama koje utječu na terapijske ishode u odnosu na definirane probleme i očekivanja korisnika od tretmana.

Stručni saradnici za savjetodavno-terapeutski rad će i u narednom periodu u procesu cjeloživotnog učenja nastaviti kontinuirano **razvijati** vlastite profesionalne **kompetencije** kroz proces intervizije i supervizije što će obezbijediti održavanje kvalitete savjetodavno-terapeutskog rada.

3.4. IZDAVAŠTVO

U okviru izdavaštva, planirano je publiciranje stručnih sadržaja koji prate istraživanja i aktivnosti Ustanove, a sve u cilju educiranja javnosti. Stručni sadržaji biće publicirani shodno finansijskim mogućnostima Ustanove.

3.5. PROMOTIVNO - PROPAGANDNE AKTIVNOSTI

3.5.1 Obilježavanje Međunarodnog dana porodice

Nosilac aktivnosti: KJU “Porodično savjetovalište”.

Rok: maj 2018.godine

Sadržaj: Međunarodni dan porodice planirano je da se obilježi kroz manifestaciju koja promoviše porodične vrijednosti, a u skladu sa djelatnošću i raspoloživim sredstvima Ustanove. Sadržaj manifestacije će tematski biti prilagođen godišnjoj poruci UN-a.

3.5.2. Obilježavanje manifestacije „Dječija nedjelja“

Nosilac aktivnosti: KJU “Porodično savjetovalište”.

Rok: oktobar 2018. godine.

Sadržaj: „Dječija nedjelja“ u Kantonu Sarajevo organizirat će se uz pokroviteljstvo Ministarstva za rad, socijalnu politiku, raseljena lica i izbjeglice KS sa ciljem podsticaja organiziranja i realizacije različitih manifestacija i aktivnosti posvećenih djeci. S tim u vezi, Ustanova će učestvovati u obilježavanju ove manifestacije kroz prigodne sadržaje (sajam za porodicu, festival odgoja, različiti konkursi za djecu koji potiču porodične vrijednosti i sl.).

3.5.3. Izrada propagandnih materijala Ustanove

Nosilac aktivnosti: KJU “Porodično savjetovalište”.

Rok: januar – decembar 2018. godine.

Sadržaj: U cilju promocije i afirmacije Ustanove propagandni materijal o uslugama koje KJU „Porodično savjetovalište“ pruža i aktivnostima koje provodi, štampat će se ukoliko za to finansijska sredstva budu obezbjeđena.

Materijali bi se kontinuirano distribuirali korisnicima usluga kao i drugim srodnim institucijama i organizacijama koje se na posredan i neposredan način bave porodicom.

3.5.4. Web stranica Ustanove

Nosilac aktivnosti: KJU “Porodično savjetovalište”.

Rok: januar- decembar 2018. godine.

Putem web stranice www.porodicno.ba Ustanova će nastaviti pružati informacije o njenom djelovanju i uslugama koje pruža.

U sadržaj web stranice bit će involvirane sve aktivnosti koje Ustanova provodi kao i važniji rezultati razvojno - istraživačkog rada, te informacije o realiziranim aktivnostima koje su u sklopu djelovanja programa primarne prevencije.

U cilju podizanja kvaliteta rada svojih usluga Ustanova će nastaviti rad kroz infografiku, odnosno vizuelnu prezentaciju informacija kroz koju će se obrađivati teme iz djelokruga rada Savjetovališta.

Također, nastavit će se i komunikacija sa građanima i potencijalnim korisnicima, koji putem weba i e-maila ostvaruju kontakt sa Ustanovom.

Sadržaji priručnika, brošura i stručnih tekstova čiji je izdavač Ustanova bit će objavljeni u elektronskoj formi kako bi bili dostupni javnosti.

3.5.5. Učešće u medijskim nastupima

Nosilac aktivnosti: KJU “Porodično savjetovalište”.

Rok: januar - decembar 2018. godine.

Učešće u javnom informiranju će se vršiti na poziv medija i po ukazanoj potrebi za medijskim istupom. Također, kroz dogovorene televizijske i radio serijale, uposlenici Ustanove učestvovat će u medijskim sadržajima koji promoviraju porodicu i njene vrijednosti.

U emisijama koje su stručnog sadržaja participirat će zaposlenici iz domena psihologije, pedagogije, soc.rada i sociologije. U medijskim gostovanjima koja zahtijevaju promociju rada Ustanove, te najavu sadržaja koje Ustanova provodi učestvovat će odgovorna osoba za odnose sa javnošću.

3.5.6. Obilježavanje značajnih datuma u godini

Značajni datumi u godini biće obilježavani kroz programske aktivnosti i medijsko oglašavanje, a u skladu sa djelatnošću koju Ustanova tretira, npr. Međunarodni dan porodice, Dječija nedjelja i sl. Na ovaj način iskazat će se podrška važnosti rada sa svim članovima porodičnog sistema, marginaliziranim i ranjivim grupama, te ostalim subjektima društvenog sistema koji rade na promoviranju psihosocijalne podrške građanima.

3.6. SARADNJA U MREŽI

U skladu sa Protokolom o saradnji zaključenim dana 15.03.2016.g. između Ministarstva za rad, socijalnu politiku, raseljena lica i izbjeglice KS i ustanova iz okvira resora ovog ministarstva, planirano je i dalje međusobno razmjenjivanje iskustva i znanja iz djelatnosti socijalnog rada, unapređivanje rada sa nezaposlenim socijalno ugroženim kategorijama, razvijanje zajedničkih projekata, učestvovanje u zajedničkim istraživačkim projektima i edukacijama, publiciranje stručne i edukativne literature, te učestvovanje u obilježavanju značajnih datuma i jubileja.

U cilju pružanja adekvatnih i kvalitetnijih usluga građanima Kantona Sarajevo, Savjetovalište je u 2017. godini zaključilo Protokol o saradnji sa JU „Domo zdravlja Kantona Sarajevo“. Saradnja po ovom Protokolu nastavit će se i u 2018. godini.

Također, za 2018. godinu planiran je nastavak saradnje između Ustanove i udruženja koja tretiraju osobe sa invaliditetom (Savez „Sumero“, Udruženje slijepih Kantona Sarajevo, Udruženje distrofičara Kantona Sarajevo, Udruženje gluhih Kantona Sarajevo i Udruženje oboljelih od multiple skleroze Kantona Sarajevo). Aktivnosti će biti usmjerene na poticanje destigmatizacije i suzbijanje predrasuda prema osobama sa invaliditetom te podršku procesu njihove deinstitucionalizacije (konkretna aktivnost je opisana pod tačkom 3.2.14.).

S obzirom na prirodu niza aktivnosti planiranih za 2018. godinu, Savjetovalište će nastaviti saradnju sa obrazovnim ustanovama u Kantonu Sarajevo kao i drugim ustanovama i institucijama shodno ukazanoj potrebi.

3.7. OSTALE AKTIVNOSTI

3.7.1. Kapitalni projekti – Izgradnja poslovnog objekta KJU “Porodično savjetovalište“

Nosioci aktivnosti: Ministarstvo za rad, socijalnu politiku, raseljena lica i izbjeglice Kantona Sarajevo (investitor), Zavod za izgradnju Kantona Sarajevo (implementator) i KJU “Porodično savjetovalište“ (krajnji korisnik).

Rok: januar - decembar 2018.godine.

Kratak sadržaj: Objekat se nalazi na lokaciji općine Novo Sarajevo, u ulici Bihaćka bb. Nakon završetka izgradnje I faze objekta koja je podrazumijevala kompletnu betonsku konstrukciju, u 2018. godini će se realizirati naredna faza izgradnje koja uključuje izvođenje svih građevinsko-zanatskih i instalaterskih radova na objektu.

Vrijeme završetka radova zavisit će od raspoloživosti finansijskih sredstava planiranih za ovu namjenu.

IV KONTINUIRANI POSLOVI

Poslovi u okviru projekata primarne i sekundarne prevencije te programi drugih tematskih cjelina, realizirat će se kao kontinuirani poslovi Ustanove.

Broj: 01-85-1-44 /18
Sarajevo, 17.01.2018. godine



23